



ÁSLANDSSKÓLI - FRÉTTABLAÐ

FLÓRGOÐINN

Meðal efnis í þessum Flórgoða:

- Pistill skólustjóra
- SMT skólafærni
- Fagstjórn og umsjón
- Höfuðlús
- Snemma í háttinn - hress og kát í skólanum
- Viðbragðsáætlun inflúensa
- Skólamyndir
- Matartorg—matarmál
- Skólafærni 8. bekkur
- Brosbók
- Vetrarfrí
- Skólakór
- Skólaföt

GÓÐI segir:



Jæja þá er skólaárið hafið. Ég er ákveðinn í að einbeita mér að náminu og standa mig framúrskarandi vel

Í Áslandsskóla öll við ábyrgð berum

Kæru nemendur foreldrar / forráðamenn

Þá er áttunda starfsár Áslandsskóla hafið.

Við upphaf skólaársins stunda um 500 nemendur nám í Áslandsskóla og þar starfa rétt undir 70 starfsmenn.

Starfslið skólans er að mestu óbreytt frá síðasta skólaári og breytingar líklega aldrei verði eins litlar.

Nokkur hópur nemenda stígur nú sín fyrstu skref í Áslandsskóla, bæði sem nýnemar í fyrsta bekk og einhver hópur í öðrum bekkjardeildum. Allan þennan flotta hóp bjóðum við hjartanlega velkominn í skólasamfélagið okkar hér í Áslandi.

Sumir hverjir eru nú að hefja skólagöngu sína og það hlýtur að vera tilhlökkunarefni að ganga í jafn glæsilegan skóla sem Áslandsskóli sannarlega er. Því er mikilvægt að innra starf hans sé líka glæsilegt og að allir leggi metnað sinn í að svo verði.

Nemendur í 1. bekk eru

myndarlegur hópur í skólanum okkar og því ljóst að öll þurfum við að sýna hjálpssemi og samkennd svo aðlögun þeirra að daglegu skóla lífi verði með jákvæðum hætti.

Það þurfa allir að hjálpast að við að búa til góðan skóla þar sem vellíðan nemenda, vönduð vinnubrögð og góður námsárangur eru í forgrunni. Samstarf heimila og skóla verður að vera traust og með jákvæðum hætti og mikilvægt er að foreldrar séu virkir þátttakendur og vel upplýstir um starfsemi skólans.

Þá er einnig lykilatriði að nemendur temji sér náms- og vinnuaga og að faglegur metnaður ríki meðal starfsmanna skólans.

SMT skólafærni verður framhaldið og þróað. Forráðamenn og nemendur munu sjá skýr fyrir mæli hanga á veggjum skólans fyrir ákveðin svæði. Þá geta nemendur fengið "fugla" fyrir að sýna jákvæða hegðun í skólastarfinu.

Fuglunum er síðan safnað saman í umsjónarbekk nemandans eftir að hann hefur farið með "fuglinn" heim og sýnt forráðamönnum.

Nánar verður farið yfir SMT skólafærni í tengslum við skólakynningar í árgöngum og í þessu blaði. Áslandsskóli er stoltur af SMT starfi sínu en skólinn fékk viðurkenningu fræðsluráðs Hafnarfjarðar fyrir árangursríka innleiðingu SMT skólafærni á vordögum.

Um leið og ég óska starfsfólki, nemendum og forráðamönnum velfarnaðar á því skólaári sem nú er farið af stað vil ég minna okkur öll á að allir eiga rétt á því að vera þeir sjálfir.

Við þurfum að hugsa vel um hvort annað, bera virðingu hvort fyrir öðru og hjálpast að við að gera góðan skóla enn betri.

Leifur S. Garðarsson

Skólustjóri

Flórgoðinn er fréttablað Áslandsskóla.

Útgáfa blaðsins er rafræn og tölublað má einnig finna á vefsetri skólans www.aslandsskoli.is

SMT í Áslandsskóla

Markmið SMT-skólafærni (hafnfirsk útfærsla á bandarísku aðferðinni *Positive Behavior Support/PBS*) er að skapa gott andrúmsloft í skólum og tryggja öryggi og velferð nemenda og starfsfólks. Lögð er áhersla á að koma í veg fyrir og draga úr óæskilegri hegðun nemenda með því að kenna og þjálfra félagsfærni, gefa jákvæðri hegðun gæm með markvissum hætti og samræma viðbrögð starfsfólks gagnvart nemendum sem sýna óæskilega hegðun. Þessi nálgun byggir á margra ára rannsóknum sérfræðinga, í Oregon í Bandaríkjunum, og er framkvæmd í samráði við þá.

SMT-skólafærni byggir á hugmyndafræði PMT-**FORELDRAFÆRNI** og er framkvæmd undir merkjum þeirrar þjónustueiningar, sem verið hefur leiðandi hér á landi í notkun og útbreiðslu PMT verkfæra til uppalenda. PMT (*Parent Management Training*) verkfærin eru vel rannsökuð af færustu sérfræðingum, notkun þeirra stuðlar

að góðri aðlögun barna og þau eru því afar mikilvæg hjálpartæki. Foreldrum býðst að tileinka sér PMT-foreldrafærni jafnframt því sem skólasamfélagið á möguleika á innleiðingu **SMT-skólafærni**.

Í kjölfar þess var ákveðið að innleiða SMT-skólafærni sem byggir á sama hugmyndafræðilega grunni og áratuga rannsóknum líkt og PMT.

Við í Áslandsskóla byrjuðum á undirbúningi skólaárið 2004-2005 og innleiðingu skömmu síðar. Óhætt er að fullyrða að skólabragur varð betri og aukning á jákvæðri hegðun nemenda.


Svokallað **SMT teymi** er starfrækt innan skólans sem í sitja Leifur S. Garðarsson skólastjóri, Unnur Elfa Guðmundsdóttir aðstoðarskólastjóri, Edda Vikar Guðmundsdóttir frá Skólaskrifstofu, Rannveig Hafberg deildarstjóri í 1.-5. bekk, Kristín Jóna Magnúsdóttir deildarstjóri í 6.—10. bekk, Fjóla Rún Þorleifsdóttir umsjónarkennari og Björg Haraldsdóttir umsjónarkennari.

Í Áslandsskóla styrkjum við jákvæða hegðun með svokölluðum **“fuglum”** en þeir vísa til skólamerkisins þar sem fjórir fuglar fljúga að sama marki. Nemendur geta fengið gulan, rauðan og grænan fugl frá starfsfólki og bekkir bláan fugl frá skólastjóra. Þegar tilteknum fuglafjölda er náð fær bekkurinn fuglaveislu en þá er hefðbundið skólastarf brotið upp.

Þegar nemendur sýna óæskilega hegðun gætu þeir fengið svokallaðan stoppmiða sem er skráningarmiði yfir óæskilega hegðun viðkomandi. Stoppmiðinn fer síðan inn í ákveðið agæferli þar sem nákvæmlega er skráð hver var upplýstur og hver tók málið að sér.

Það er mat okkar sem starfa í skólanum að SMT skólafærnin bæti skólabraginn og hjálpi okkur mjög við að agæferli skólans sé skilvirk og áreiðanlegt.

Á vefsetri skólans er hægt að finna reglutöflu skólafærni í Áslandsskóla sem eru í senn skólareglur skólans.



Skólakynningar

Skólakynningar í Áslandsskóla haustið 2009

2.9.2009	10. bekkur
8.9.2009	4. bekkur
8.9.2009	1. bekkur / kvöld
11.9.2009	7. bekkur
16.9.2009	9. bekkur
17.9.2009	8. bekkur / kvöld
22.9.2009	5. bekkur
23.9.2009	6. bekkur
24.9.2009	2. bekkur
25.9.2009	3. bekkur

Nánari upplýsingar berast frá umsjónarkennurum.

Skólamyndir

Skólamyndataka í Áslandsskóla verður dagana 5.-7. október 2009.

Eftirtaldir árgangar verða myndaðir: 1. bekkur, 4. bekkur, 7. bekkur og 10. bekkur.

Nánari upplýsingar munu berast viðkomandi árgöngum þegar nær dregur.

Hægt verður að panta einstaklingsmynd og bekkjarmynd. Myndatakan nýtist skólanum einnig vel við að setja myndir af nemendum á skráningarspjald í mentor kerfið.



Blaðsíða 3

Skólafærni í 8. bekk

Sú nýbreytni verður tekin upp þetta haustið að forráðamenn nemenda í 8. bekk verða boðaðir á sérstaka skólafærni uppfræðslu.

Þegar nemendur flytjast úr 7. bekk í 8. bekk verða ákveðnar viðbætur og breytingar á kennsluskipulagi. Okkur þykir rétt að gera því góð skil með því að hitta forráðamenn og fara vel yfir hlutina með þeim.

Skólaráð

Í nýjum grunnskólalögum er kveðið á um stofnun skólaráðs, en það kemur í stað foreldra- og kennararáðs við skólann.

Menntamálaráðuneytið hefur nú gefið út reglugerð og ljóst að skólaráð mun taka til starfa við Áslandsskóla í september.

Kennarar og aðrir starfsmenn hafa kjörið sína fulltrúa sem og foreldrar. Á næstu dögum verður farið í að kynna ráðið fyrir nemendum og í kjölfarið munu nemendur kjósa sér sína fulltrúa í ráðinu.

Matartorg

Lokað verður fyrir skráningu í mat 4. september.

Skráning gildir fyrir allan veturinn, þannig að þeir sem ætla að hætta í mat þurfa að skrá sig út þegar opið er fyrir breytingar.

Opnað verður fyrir skráningu fyrir október dagana 14.—20. september og verður það nánar auglýst síðar.



Skólakór

Skólakór Áslandsskóla hefur nú sitt fjórða starfsár.

Að þessu sinni er kórnum skipt í tvennt:

3.- 4. bekkur með æfingar á fimmtudögum kl. 13:45 – 14:15

5.-7. bekkur með æfingar á þriðjudögum kl. 15:10 – 15:40.

Æfingar eru í tónmenntastofunni og kórstjóri er Díana Ívarsdóttir tónmenntakennari.

Allir nemendur eru hvattir til að vera með.

Skólaföt - peysur—unglingar

Föstudaginn 4. september verða pantaðar hettupeysur samkvæmt pöntunum sem okkur hafa borist. Til að vera viss um að fá peysur í réttri stærð er betra að vera búin að panta fyrir þann tíma. Við munum panta einhverjar umfram peysur en getum ekki legið með stóran lager. Þeir sem voru búinir að panta renndar peysur þurfa að koma aftur í máttun þar sem það er munur á stelpu- og strákasniðinu.

Vetrarfrí

Vetrarfrí er í Áslandsskóla fimmtudaginn 29. og föstudaginn 30. október 2009.

Þá daga hlaða nemendur og starfsfólk skólans orkustöðvarnar með leyfi frá skóla.

Heilsdagsskólinn verður lokaður þessa daga.



Snemma í háttinn hress og kát í skólanum

Þann 1. september breyttist útvistartíminn og börn 12 ára og yngri mega ekki vera úti eftir kl. 20:00.

Unglingar 13 - 16 ára, þau sem eru í unglingsdeildum grunnskóla mega vera úti til kl. 22:00.

Foreldrar hafa auðvitað fullan rétt á að stytta þennan útvistartíma og margir hafa gert það, sérstaklega foreldrar barna í 8. bekk.

Foreldrar og aðrir sem tengjast börnum eru hvattir til að virða reglur um útvistartímann. Börnin þurfa sinn svefn og mæta iðulega snemma í skólann. Hlúa þarf að heimalærdómi og gott er að eiga samverustundir inni á heimilinu á kvöldin.

Hinsvegar hafa íþróttafélög og æskulýðsstarf Hafnarfjarðar undanþágurétt gagnvart þessum reglum en ljóst er að tilefni til undanþágu verða æ fátíðari. Þó eru félagsmiðstöðvar opnar á föstudagskvöldum en þá er enginn skóli daginn eftir.

BROSBÓK KFC

Brosbókin er hluti af sjálfsmati í Áslandsskóla en hún er afrakstur þróunarvinnu kennara skólans.

Brosbókin fór fyrst heim með nemendum í 1. – 3. bekk í janúar 2004, en núna haustið 2009, eru allir nemendur í 1. – 7. bekk með Brosbók.

Með Brosbókinni er leitast við að vinna á markvissan og sýnilegan hátt með hornstoðir skólans, skólaheitið og dygðirnar.

Markmiðið með þessari bók er að draga fram og styrkja jákvæða hegðun og upplýsa heimilin um hvernig nemendum gengur að temja sér þá þætti sem Áslandsskóli hefur að leiðarljósi.

Útgáfa Brosbókarinnar er kostnaðarsöm en Áslandsskóli á marga velunnara. Einn af þeim er *Kentucky Fried Chicken* sem mun kosta útgáfuna í ár. Kærar þakkir **KFC**.

Höfuðlús

Nú þegar skólastarf er að hefjast viljum við vinsamlegast biðja ykkur um áframhaldandi samstarf í því að fyrirbyggja útbreiðslu á höfuðlús.

Samkvæmt tilmælum landlæknis er hlutverk skólahjúkrunarfræðinga að ráðleggja, styrkja og leiðbeina foreldrum hvernig hægt sé að koma í veg fyrir höfuðlúsasmit, einnig hvernig hægt sé að losna við hana verði hennar vart.

Við viljum leggja áherslu á að:

- Þið kambið reglulega hár barnanna ykkar með lúsakambi. 1x í viku við upphaf skólaárs og eftir nánari leiðbeiningum komi upp tilfelli í bekknum.
- Kemming er besta leiðin til að finna lús. Nauðsynlegt er að finkemba allt hárið.
- Þið fræðið börn ykkar um helstu smitleiðir.
- Lúsin getur skriðið á milli kolla ef bein snerting verður frá hári til hárs.
- Notið ekki greiður, burstu eða höfuðföt annarra.
- Gott ráð er að geyma höfuðföt og trefla í úlpuermum.

Nánari upplýsingar um lús og lúsameðferð er að finna á vef landlæknis www.landlaeknir.is slá inn höfuðlús í leitarreit efst á síðu.

Hafið strax samband ef þið verðið vör við höfuðlúsasmit til að hefta frekari útbreiðslu í skólanum.



Kríuási 1
221 Hafnarfirði

Sími: 585 4600
Bréfsími: 585 4610
www.aslandsskoli.is
aslandsskoli@aslandsskoli.is

www.aslandsskoli.is

Fagstjórar / umsjón

Fagstjórar þetta skólaár eru:

Jónína Ósk Ingólfssdóttir

Samfélagsfræði,

Ása Marin Hafsteinsdóttir

Íslenska

Þjörg Haraldsdóttir

Náttúrufræði

Rósa Lyng Svavarsdóttir

Stærðfræði

Sigríður Elísabet Ragnarsdóttir

Danska,

Jenný B. Rúnarsdóttir

Enska.

Halla Sigurgeirsdóttir

Umsjón með stærðfræðistofu

Úlfar Danielsson

Umsjón með vefsetri aslandsskoli.is

Viðbragðsáætlun

Samin hefur verið viðbragðsáætlun fyrir Áslandsskóla og hún birt á vefsetri skólans.

Viðbragðsáætlunin segir fyrir um skipulag og stjórn aðgerða í Áslandsskóla í samræmi við áætlun Almannaþingis um viðbrögð við heimsútbreiðslu influensu.

Markmið viðbragðsáætlana skóla eru að tryggja skipulögð og samræmd viðbrögð allra skólafánana sem og starfsmanna þeirra þegar til influensufaraldurs kemur.

Sem fyrr segir er áætlunin aðgengileg á vefsetri skólans www.aslandsskoli.is.

FLÓRGÓÐINN

Fréttablað Áslandsskóla

Ábyrgð, hönnun, umbrot og skrif:

Leifur S. Garðarsson
skólastjóri